

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U VISOKOM
Broj: 41 0 K 108080 25 K
Visoko, 08.01.2026.godine

U IME FEDERACIJE BOSNE I HERCEGOVINE

Općinski sud u Visokom, po sudiji Avdiji Avdić uz sudjelovanje zapisničara Sejdić Džemile, u krivičnom predmetu protiv optuženog Š.O. sin A. iz B., zbog krivičnog djela nasilje u porodici iz člana 222. stav 1. KZ FBiH, rješavajući po optužnici Kantonalnog tužilaštva-tužiteljstva Zeničko-dobojskog kantona broj T 04 0 KT 0065386 25 od 22.09.2025.godine, na pretresu za izricanje krivično pravne sankcije održanom u prisustvu Kantonalne tužiteljice Adine Karadža i optuženog Š.O., dana 08.01.2026.godine, donio je i javno objavio:

P R E S U D U

OPTUŽENI : Š.O., sin A. i majke N. rođene M., rođen ... godine u S., nastanjen u naselju Ž. bb, općina B., po Cipsu prijavljen A.Lj. ... I., pismen, sa završenom srednjom školom, po zanimanju elektro-mehaničar, zaposlen u ..., oženjen, otac dvoje djece, vojsku služio godine, ne vodi se u vojnoj evidenciji, po narodnosti ..., državljanin BiH, srednjeg imovnog stanja, JMB: ..., neosuđivan,

K r i v j e

Što je:

Dana 13.08.2025. godine, oko 21,30 sati, u B., u porodičnoj kući u ulici Ž. bb, u alkoholisanom stanju, verbalno napao svoju suprugu E.O. nazivajući je kurvom i pogrđnim imenima, a zatim je i fizički napao zadavši joj udarac svojom glavom u predjelu njenog lica, iako je bio svjestan da će takvim svojim drskim i bezobzirnim ponašanjem, ugroziti mir i tjelesnu cjelovitost svoje supruge, što je i htio, kojom prilikom je E.O. zadobila tjelesne povrede konstatovane u JU Kantonalna bolnica Zenica, zbog čega mu je Općinski sud u Visokom rješenjem broj: 41 0 Pr 107633 25 Zm od 15.08.2025. godine izrekao zaštitne mjere zabrana približavanja žrtvi nasilja, zabrana komunikacije, uznemiravanja i uhođenja osobe izloženoj nasilju, u trajanju od 3 (tri) mjeseca,

dakle, nasilnim i drskim ponašanjem, ugrozio mir i tjelesnu cjelovitost svoje supruge, čime je počinio krivično djelo Nasilje u porodici iz člana 222. stav 1. KZ F BiH.

Pa sud optuženom na osnovu istog zakonskog propisa: te na osnovu članova: 42., 49. i 62. KZ FBiH,

i z r i č e

USLOVNU OSUDU

Kojom se optuženom za počinjeno krivično djelo utvrđuje kazna zatvora u trajanju od 4(četiri)mjeseca, a koja se neće izvršiti ako optuženi za vrijeme od 1(jedne)godine, od dana pravosnažnosti presude, ne počini novo krivično djelo.

Na osnovu člana 212. stav 3. ZKP FBiH, oštećena E.O. , se sa imovinsko pravnim zahtjevom upućuje na parnični postupak.

Na osnovu člana 202 stav 1 u vezi sa članom 199. stav 2. tačka g) ZKP FBiH, optuženi je dužan platiti sudu na ime troškova krivičnog postupka u vidu paušala 30,00 KM, sve u roku od 30 dana, po pravosnažnosti presude pod prijetnjom izvršenja.

Objasnenje

Kantonalno tužilaštvo Zeničko-dobojskog kantona (u daljem tekstu KT ZDK), optužnicom broj T 04 0 KT 0065386 25 od 22.09.2025.godine , optužilo je Š.O., zbog krivičnog djela Nasilje u porodici iz člana 222. stav 1. KZ F BiH.

Optužnica je potvrđena od strane sudije za prethodno saslušanje ovog suda dana 29.09.2025.godine.Na ročištu o izjašnjenju o krivnji dana 02.12.2025.godine, optuženi Š.O. je izjavio da je kriv za krivično djelo Nasilje u porodici iz člana 222. stav 1. KZ F BiH

Na ročištu o razmatranju izjave o priznanju krivnje dana 08.01.2026.godine, sud se uvjerio da je optuženi Š.O. izjavu o priznanju krivnje dao dobrovoljno, svjesno i sa razumijevanjem, kao i nakon upoznavanja o mogućim posljedicama ovog krivičnog postupka.

Sud je utvrdio da ima dovoljno dokaza o krivnji optuženog, nakon čega je prihvatio izjavu o priznanju krivnje optuženog i istovremeno odredio pretres za izricanje krivično pravne sankcije.

Sud je stekao uvjerenje da je optuženi Š.O. počinio krivično djelo koje mu se stavlja na teret, a koje djelo je izvršeno na način, u vrijeme i u mjestu kako je to navedeno u dispozitivu ove presude nakon izvršenog uvida u predočene dokaze i to : zapisnik o saslušanju oštećena E.O. , kći R. iz B., K. bb, - Specijalistički nalaz Kantonalna bolnica Zenica od 15.08.2025. godine na ime E.O. , - Alkotest od 14.08.2025. godine na ime Š.O. , - Rješenje Općinskog suda Visoko o izricanju zaštitnih mjera broj: 41 0 Pr 107633 25 Zm od 15.08.2025. godine, - Izvod iz kaznene evidencije za osumnjičenog Š.O. MUP Kantona Sarajevo od 12.09.2025. godine.

Naime, priznanjem optuženog koje je u potpunosti i u skladu sa predočenim dokazima, nesporno je dokazano da je isti počinio krivično djelo koja mu se stavlja na teret.

Sud zaključuje da je optuženi navedeno krivično djelo počinio sa direktnim umišljajem, jer je bio svjestan svog djela i htio njegovo izvršenje, a sud u toku postupka nije posumnjao da na strani optuženog postoje okolnosti koje bi dovele u pitanje uračunljivost optuženog, jer iz predočenih dokaza ne proizilazi sumnja da optuženi nije bio u mogućnosti da shvati značaj svojih djela i da upravlja svojim postupcima u vrijeme izvršenja djela.

Stoga je sud optuženog oglosio krivim za navedeno krivično djelo i izrekao mu krivično pravnu sankciju.

Prilikom izricanja krivično pravne sankcije sud je cijenio optuženom Š.O. kao olakšavajuće okolnosti činjenicu da je priznao izvršenje krivičnog djela koje mu se stavlja na teret, čime je u mnogome doprinio utvrđivanju činjeničnog stanja i skraćenju krivičnog postupka, dok je na drugoj strani sud od otežavajućih okolnosti cijenio da optuženi nije osuđivan.

Cijeneći utvrđene okolnosti na strani optuženog, sud je optuženom Š.O. , za navedeno krivično djelo na osnovu članova: 42., 49. i 62. KZ FBiH, izrekao uslovnu osudu, kojom se optuženom za počinjeno krivično djelo utvrđuje kazna zatvora u trajanju od 4(četiri)mjeseca, a koja se neće

izvršiti ako optuženi za vrijeme od 1(jedne)godine , od dana pravosnažnosti presude, ne počini novo krivično djelo, u uvjerenju da će se istom, ostvariti svrha kažnjavanja predviđena u članu 42. KZ FBiH, te postići kako opća, tako i specijalna prevencija.

Na osnovu člana 212. stav 3. ZKP FBiH, oštećena E.O. , se sa imovinsko pravnim zahtjevom upućuje na parnični postupak.

Na osnovu člana 202 stav 1 u vezi sa članom 199. stav 2. tačka g) ZKP FBiH, optuženi je dužan platiti sudu na ime troškova krivičnog postupka u vidu paušala

Sudija
Avdija Avdić

POUKA: Protiv ove presude dozvoljena je žalba Kantonalnom sudu u Zenici, putem ovog suda, u roku od 15 dana od prijema presude, u tri primjerka.